

全唐詩目 第三函

第八冊

孟彥深

劉灣

孫昌胤

喬琳

柳渾

共一卷

張謂

一卷

岑參

四卷

全唐詩

孟彥深

孟彥深字士源登天寶二年進士第爲武昌令元結居樊上常作退谷銘曰干進之客不得遊之又作杯湖銘曰爲人厭者勿汎杯湖孟士源嘗黜官無情干進在武昌不爲人厭可遊退谷可汎杯湖矣詩一首

元次山居武昌之樊山

一作上

新春大雪以詩問之

江山十日雪雪深江霧濃起來望樊山但見羣玉峰林鶯却不語野獸翻有蹤山中應大寒短褐何以完

一作皓

氣凝書帳清著釣魚竿懷君欲進謁谿渭渡舟難

劉灣

劉灣字靈源西蜀人天寶進士祿山之亂以侍御史居
衡陽與元結相友善詩六首

出塞曲

一作劉濟詩

將軍在重圍音信絕不通羽書如流星飛入甘泉宮倚
是并州兒少年心膽雄一朝隨召募百戰爭王公去年
桑乾北今年桑乾東死是征人死功是將軍功汗馬牧
一作敗秋月疲卒臥霜風仍聞左賢王更將一作被圍雲中

雲南曲

百蠻亂南方羣盜如蝟起騷然疲中原征戰從此始白
門太和城來往一萬里去者無全生十人九人死岱馬
臥陽山燕兵哭瀟水妻行求死夫父行求死子蒼天滿

愁雲白骨積空壘哀哀雲南行十萬同已矣

李陵別蘇武

漢武愛邊功李陵提步卒轉戰單于庭身隨漢軍沒李陵不愛死心存歸漢闕誓欲還國恩不爲匈奴屈身辱家已無長居虎狼窟胡天無春風虜地多積雪窮陰愁殺人況與蘇武別發聲天地哀執手肺腸絕白日爲我愁陰雲爲我結生爲漢宮臣死爲胡地骨萬里長相思終身望南月

虹縣嚴孝子墓

至性教不及因心天

一作天
然得

所資禮聞三年喪爾

一作汝

獨終

身期下由

一作布

骨肉恩上報父母慈禮聞哭有卒汝獨哀

無時前有松柏林荆蓼一作棘結朦朧墓門白日閉泣血薰

泉中草服蔽枯骨垢容戴飛蓬舉聲哭蒼天萬木皆悲風

對雨愁悶寄錢大郎中

積雨細紛紛飢寒命不分攬衣愁見肘窺鏡覓從文九陌成泥海千山盡濕雲龍鍾驅欵段到處倍思君

即席賦露中菊

衆芳春競發寒菊露偏滋受氣何曾異開花獨自遲晚成猶有分欲採未過時勿棄東籬下看隨秋草衰

孫昌胤

孫昌胤登天寶進士第柳宗元與韋中立書稱其爲子

舉冠禮事人以爲迂詩四首

遇旅鶴

靈鶴產絕境昂昂無與儔羣飛滄海曙一叫雲山秋野
性方自得人寰何所求時因戲祥風偶爾來中州中州
帝王宅園沼深且幽希君惠稻粱欲并離丹丘不然奮
飛去將適汗漫游肯作池上鷺年年空沈浮

清明

清明暮春裏悵望北山陲燧火開新焰桐花發故枝沈
冥慙歲物歡宴阻朋知不及林間鳥遷喬並羽儀

和司空曙劉沓虛九日送人

京邑歎離羣江樓喜遇君開筵當九日汎菊外浮雲朗

詠山川霽酣歌物色新君看酒中意未肯喪斯文

越裳獻白翟

一作丁仙芝詩

聖哲符休運伊臯列上台覃恩丹徼遠入貢素輦來北
闕欣初見南枝顧未迴斂容殘雪淨矯翼片雲開馴擾
將無懼翻飛幸莫猜甘從上苑裏飲啄自裴回

喬琳

喬琳太原人天寶間舉進士累授興平尉郭子儀辟爲
節度掌書記拜監察御史貶巴州司戶歷果綿遂三州
刺史入爲大理少卿國子祭酒又出爲懷州刺史以張
涉稱引拜御史大天平章事後受朱泚僞署伏誅詩一

首

綿州越王樓卽事

三蜀澄清郡政閑登樓攜酌日躋攀頓覺胷懷無俗事
迴看掌握是人寰灘聲曲折涪州水雲影低銜富樂山
行雁南飛似鄉信忽然西笑向秦關

柳渾

柳渾字夷曠一字惟深本名載襄州人天寶初擢進士
第大曆中累官至尙書右丞貞元三年以兵部侍郎同
中書門下平章事集十卷今存詩一首

牡丹

近來無奈牡丹何數十千錢買一顆今朝始得分明見
也共戎葵不校多

明禁天禁不姓

以下俱係小民所製上下金是一條今原故存之則

...

...

...

...

...

...

...

...

...

...

...

...

...

...

...

...

全唐詩

張謂

張謂字正言河南人天寶二年登進士第乾元中爲尙書郎大曆間官至禮部侍郎三典貢舉詩一卷

讀後漢逸人傳二首

子陵沒已久讀史思其賢誰謂潁陽人千秋如此肩嘗聞漢皇帝曾是曠周旋名位苟無心對君猶可眠東過富春渚樂此佳山川夜臥松下月朝看江上煙釣時如有待釣罷應忘筌生事在林壑悠悠經暮年于今七里灘一作灘遺迹尙依然高臺竟寂寞流水空潺湲

龐公南郡人家在襄陽里何處偏來往襄陽東陂是誓

將業田種終得保妻子何言二千石乃欲勸吾仕鸛鵲
巢茂林黿鼉穴深水萬物從所欲吾心亦如此不見鹿
門山朝朝白雲起采藥復采樵優游終暮齒

同孫構免官後登薊樓

昔在五^{一作平}陵時年少心亦壯嘗^矜有奇骨必是封侯相
東走到營州投身似邊將一朝去鄉國十載履亭障
曲皆武夫功成不相讓猶希虜塵動更取林胡帳去年
大將軍忽^{一作}負樂生謫北別傷士卒南遷死炎瘴
悲無成行登薊丘上長安三千里日夕西南望寒沙榆
塞沒秋水灤河漲策馬從此辭雲山保閑放

代北州老翁答

負薪老翁往北州。北望鄉關生客愁。自言老翁有三子。
兩人已向黃沙死。如今小兒新長成。明年聞道又徵兵。
定知此別必零落。不及相隨同死生。盡將田宅借鄰伍。
且復伶俜去鄉土。在生本求多子孫。及有誰知更辛苦。
近傳天子尊武臣。強兵直欲靜胡塵。安邊自合有長策。
何必流離中國人。

湖上對酒行

夜坐不厭湖上月。晝行不厭湖上山。眠前一尊又長滿。
心中萬事如等閒。主人有黍百餘石。濁醪數斗應不惜。
即今相對一作逢不盡歡別後相思復何益。茱萸灣頭歸路。
賒願君且宿黃公家。風光若此人不醉。參差辜負東園。

花

贈喬琳

一作劉
齊虛詩

去年上策不見收。今年寄食仍淹留。
羨君無錢能不憂。如今五侯不愛待。
一作客羨君不問過。
五侯宅如今七貴方。自尊羨君不過七貴門。
丈夫會應有知己。世上悠悠何足論。

邵陵作

嘗聞虞帝苦憂人。祇爲蒼生不爲身。
已道一作到一朝辭北闕。何須五月更南巡。
昔時文武皆銷鑠。今日精靈常寂寞。
冥斑竹年來筴自生。白蘋春盡花空落。
遙望零陵見舊丘。蒼梧雲起至今愁。
惟餘帝子千行淚。添作瀟湘萬里流。

流一作秋

寄李侍御

柱下聞周史書中慰越吟近看三歲字遙見百年心價以吹噓長恩從顧盼深不栽桃李樹何日得成陰

寄崔澧州

共襍臺郎被俱寒郡守帷罰金殊往日鳴玉幸同時五馬來何晚雙魚贈已遲江頭望鄉月無夜不相思

送裴侍御歸上都

楚地勞行役秦城罷鼓鼙舟移洞庭岸路出武陵谿江月隨人影山花趁一作逐馬蹄離魂將別夢先已一作雨到關西

送青龍一公

事佛輕金印。勤王度玉關。不知從樹下還肯一作許到人間。
楚水青蓮淨。吳門白日開。聖朝須助理一作治。絕一作切莫愛東山。

送韋侍御赴上都

天朝辟書下。風憲取才難。更謁麒麟殿。重簪獬豸冠。月明湘水夜。霜重桂林寒。別後頭堪白。時時鏡裏看。

餞田尚書還兗州

忠義三朝許。威名四海聞。更乘歸魯詔。猶憶破胡勳。別路逢霜雨。行營對雪雲。明朝郭門外。長揖大將軍。

送杜侍御赴上都

避馬臺中貴。登車嶺外遙。還因貢賦禮。來謁大明朝。地

入商山路。鄉連渭水橋。承恩返南越。尊酒重相邀。

道林寺送莫侍御

一作麓州精舍
送莫侍御歸寧

何處堪留客。香林隔翠微。薜蘿遍驛騎。山竹挂朝衣。霜
引臺烏集。風驚塔鴈飛。飲茶勝飲酒。聊以送將歸。

別睢陽故人

少小客遊梁。依然似故鄉。城池經戰陣。人物恨存亡。夏
雨桑條綠。秋風麥穗黃。有書無寄處。相送一霑裳。

郡南亭子宴

一作
春宴

亭子春城外。朱門向綠林。柳枝經雨重。松色帶烟深。漉
酒迎山客。穿池集水禽。白雲常在眼。聊足慰人心。
早春陪崔中丞浣花溪宴得暄字